

لسه محتاج لك قوي !!..

آه لو تعرفي يا حبيبتي ..

أنا مشتاقك قد إيه

وفرحان إني هاشوفك

ومزقطط مش عارف ليه

وحاسس إني طاير

والهوا شايئني بين أديه

وقاعد أعد الدقايق

ولسه علي معادك قد أيه

أنا عايزك تعرفي يا حبيبتي

إني محتاجلك قوى بجد

زي الغريب التايه

اللي مالوش في الدنيا حد

وزي الطفل العطشان ..

المحروم من الحنان والشهد

ونفسه في سدر حنين ..

يدفيه في الشتاء البرد

فلوبتحبيني قد ما بحبك ..

ولو وحشتك زي ما وحشتيني

وزي ما أنا مشتاق لعنيكي ..

إنتي كمان مشتاقة لعيويني

ولو أنا دائماً علي بالك
ومتقدرش ابدأ تنسيني
يا لا سيبي اللي ف إيدك ،
وتعالى قوام قابليني ..

